

Transkription von Urkunde SWN 1329a

Ort, Datierung: Schwerin, 1329-03-24

Signatur: Landeshauptarchiv Schwerin, Rep. 1, Kaufverträge F7

Inhalt: Johan Kedink: Verzichtserklärung

Ik johan Kedink . Knappe . be kenne vn(de) be tũghe openbare in ¹ dessen / breuen . dat ik mit myne(n)
. medeloueren de hir be screue(n) stan . mit / myne sone . mit johanne vn(de) echt mit johanne dede
heten berkhanen / vnde mit hartwich stören . vntruwen louen mit er sameden hant / vnde mit be
radenem mōde . myne(n) eddelen vn(de) wolborne(n) heren . / hern johan(n)e vnde hen(n)inghe heren
van w(er)le . dat ik num(m)er noch / myne noch mynes brōders ernamen . scullen saken eder ouer
spre/ken genegherwis vppe dat gōt . tho luchtendorpe vn(de) dat hus als / it licht in siner stede . vppe
rannualedorp . vppe vesekowe . vnde / vp alle dat gōt deghe . dat ik vn(de) myn broder , hen(n)eke
beren / af scatteden in syner venghenisse . men dat scal wēsen deghe / myner leue(n) vorsprokene(n)
heren vnde erer eruen . dar mede / lat ik vn(de) myne ernamen vnde mynes broders ernamen(n) desse /
heren deghe vn(de) aldes . los vn(de) quit al der schulde vn(de) aller dinghe / de ik vppe se vorde(r)n
kōnde eder mochte . vn(de) wil dar nu(m)m(er) / noch num(m)er vp saken . dat sulue scal na dōn
mynes brōder / sone dest he leuendich kome vt syr venghenisse loue(n) dessen / heren bin er mant²
vnde holden alit dat hir spoken is . desser dink d(e) / sint tũghe . her hinrik van moryn . hern Niclaus
hane . her / vicke van Lobek . her herman van cremon . vnde h(er) gernek(e) / costebode ridde(re) .
johan van gustrowe . vn(de) wlf van subbesyn / knapen . Dat desse dink al dus tho holden bliue(n) . des
is myn / inghesegel . vn(de) myner mede loue(re) ingheseghele . henghet to / dessen breue(n) . Na der
bord godes durent iar . drehundert / iar : jn dem Negenvndetwintegesten iare des vridaghes / vor dem
sundaghe als men sinkt Oculj /

¹ Lesung unsicher, eventuell auch on

² bin er mant nachträglich über der Zeile zwischen heren und vnde eingefügt